

# 劇本一



## 鉸頭毛 / 阮玉如

### 人物

口白、阿媽、阿強、阿爸、阿母

### 劇本

各位評判老師，各位同學，逐家好！

阮是第10號，今仔日，阮欲讀的劇本是〈鉸頭毛〉。

口白：這工透早精神，阿強仔頭毛聳聳，也無梳，就行到客廳準備欲食早頓。阿媽看伊按呢，目頭結結。（愛倚45度）

阿媽：芬仔，彼強仔的頭毛炭頭炭面，趁歇睏好通去撻撻咧，看起來較清氣相啦。（所有的人頓頭）

阿強：阿媽，無愛啦！人我的頭毛按呢撻咧撻咧，佢飄撇咧！

眾人：（攏看阿強）Tskeh——哪有？靖面！

阿母：哎唷！母仔，這馬的囡仔較有主張，我才沓沓仔開破予伊聽，莫強逼啦！

阿媽：（看阿母）你莫傷順伊，像恁較早，序大講話若祖公，這馬講話若歎風……

阿強：阿媽，你這馬鬥假嘴齒，講話是落風落風啦！

眾人：囡仔人有耳無嘴——

阿強：有尻川袂放屁——

阿母：你無大無細呢！是講，母仔！較早你攏共我的頭毛鉸像豬哥亮仔按呢，害我予同學笑欲規個月，你袂記得喔！

阿媽：我哪會知彼个鉸頭毛的遮兩光，我明明都交代伊鉸這馬上時行的——

口白：這時陣，佇邊仔看戲的阿爸嘛興 tshih-tshih 來鬥鬧熱。

阿爸：你算啥？像豬哥亮仔閣有一个型，我是予阮母仔家己鉸的，講欲予我看起來足緣投，結果……

眾人：（攏看阿爸）按怎？按怎？有佢緣投？毋就緊講！

阿強：阿爸！話講一半，會予人心肝凝啦！

阿爸：唉！袂輸若予狗嚙著，害我哭甲毋敢去讀冊。

眾人：苦瓜煮鯪魚——可憐喔！結果咧？

阿爸：姑不將，阮母仔恁我去撻一粒金光頭——講按呢省水閣省錢啦！

眾人：500 燭的呢！

口白：阿強共頭 mooh 牢牢——

阿強：阿母，我無愛變做電火球仔！

阿母：無，強仔，咱縛頭髮尾仔——

阿媽：咱強仔生甲遮幼秀，縛起來像小姑娘呢！

阿爸：按呢嘛袂穩，橫直我生無查某囡，過癮嘛好。

阿強：阿爸，我男子漢大丈夫呢！

阿媽：頭毛散掖掖，較成塗豆麤啦！

阿母：強仔，無，咱來去看佢一種頭毛型較合你的頭形，好無？

口白：強仔佇邊仔堪一睏仔。

阿爸：強仔，阿爸參你來去，我用男性的角度講一寡仔建議予你參考咧。

阿母：你綴袂著時代矣啦！（睨阿爸）

阿媽：強仔，敢欲阿媽去做軍師？

阿強：阿媽，我無欲去唱豬哥亮的歌廳『秀』啦！

阿母：你若欲參考阮的意見，就罔聽，若無，你家己主意就好。

阿強：既然阿母按呢講矣，無，我來揀一个這馬上鑠命的試看覓——毋過，你敢袂煩惱？

阿母：有啥通煩惱？

阿強：若是去煞著傷濟查某同學是欲按怎？按呢嘛足費氣的呢！

眾人：（看阿強）Honnh——你，想傷濟啦！

口白：阮就讀到遮——

眾人：多謝！（收稿愛整齊，有笑容）

# 劇本二



## 幌轎鞦，幌出在地的特色、展現臺灣的光彩 / 郭乃文

### 人物

口白、阿義、阿桃、廟公、老師

### 劇本

口白：今仔日是舊曆三月初三，是上帝爺公的生日，這一工下路頭的上帝廟當咧舉辦幌轎鞦比賽，老師煮幾個學生仔做伙去鬥鬧熱。

阿義：哇！這個幌轎鞦和我平常時仔看著的無相仝呢！

阿桃：著啊！這個幌轎鞦有影懸挂天，而且伊敢若是用竹仔搭的呢！

廟公：小朋友，恁誠巧喔！無毋著，這個幌轎鞦是用刺竹搭的，有十二米懸。

阿桃：老師，搭這個幌轎鞦敢有啥物愛注意的？

老師：有喔！搭幌轎鞦的刺竹逐冬攞愛新剉的，而且剉轉來的竹仔袂使迄、查某囡仔袂使磕著也袂使參加比賽！

口白：這個時陣，市長來到位為活動開幕，踏起去幌轎鞦頂懸開始幌轎鞦。

阿義：老師，你毋是講查某囡仔袂使參加，是按怎市長會使？

阿桃：曷著講，咱上帝爺公嘛綴會著時代，知影性別愛平等！

廟公：哈哈！無毋著，廟方有特別請示上帝爺，上帝爺指示：好的活動就是愛逐家做伙來鬥鬧熱。

老師：對遮，咱就知影上帝爺咧共咱講毋管是查埔、查某，逐家的能力攞平好平厲害！

阿義：話閣講翻頭，是按怎欲搭幌轎鞦？

廟公：古早古早，這箍圍仔發生誠嚴重的瘟疫，彼個時陣死真濟人！逐家就拜託上帝爺公鬥相共！

阿桃：遐爾恐怖喔！毋就和前一陣仔的新冠仝欸。

老師：規攸好好，無錯！上帝爺就指示愛搭幌轎鞦、幌轎鞦按呢才會使消災解厄。

廟公：上帝爺有夠興，疫情有影沓沓仔無去，百姓才通平安閣健康！

老師：後來，為著欲感謝上帝爺公的庇庇，先民逐冬攞會舉辦幌轎鞦的活動。

阿義：哇！恁看，彼個選手幌甲遐爾懸，誠厲害呢！

阿桃：廟公阿伯，這個幌轎鞦敢若攞無螺絲固定呢？按呢幌袂危險？

廟公：安啦！安啦！幌轎鞦是用藤俗古法捆縛，有夠勇。

阿桃：老師，這個幌轎鞦的橫柱，懸度敢若無仝？

老師：愛迤迤的，巧喔！第一枝竹仔的橫柱愛安佇七尺懸的所在，繼落去五尺就安一枝橫柱。

口白：各位爐下請注意，後一位選手「愛迤迤的」請準備！

做伙：哇！愛迤迤的，你有報名喔，阮佇邊仔幫你加油贊聲啦！

# 劇本三

## 幸福的滋味 / 王美玲

### 文本

真平版 閩南語文第一冊第一課〈趣味的誤會〉

### 人物

口白、阿公、阿媽、阿淇

### 劇本

阿媽：阿淇仔！今仔禮拜歇睏，你佇厝間無代誌，無你和我做伙來去躉菜市。

阿淇：好啊好啊！我嘛誠久無去菜市仔躉躉咧矣！

口白：便若拄著歇睏日，阿媽定著會攢豐沛的料理，來予伊的寶貝仔孫「阿淇」啖滷一下。

阿公：（食醋的口氣）恁孫若無佇咧，欲煮予我食就干焦菜脯卵和一碗幼麵。

阿媽：有煮予你食就袂穰矣！閣嫌！

阿公：若這個糖霜丸轉來，你就攢甲山珍海味。（吐大氣）唉！平平擺姓李，大細漢哪會差遐濟？

阿媽：啊你是「老人囡仔性」nih，竟然和恁孫咧計較。緊咧啦！緊載阮去菜市仔啦！

口白：個三个祖孫仔來到菜市仔。

阿公：婿某的啊！我已經共恁送到位矣！我先來去無閒嘿。

阿媽：做你去無閒啦！

阿淇：（共阿媽問）阿公無欲和咱做伙去躉菜市仔喔？

阿媽：阿公欲去買後禮拜欲送人的伴手，阮約好九點半佇車頭相等。

阿淇：原來是按呢喔！

口白：個兩個祖孫仔沿路行沿路買，阿淇愛食的腰內肉、豬跖、油蔥雞、紅蟳、草蝦，一項攞無落勾。

阿淇：阿媽！好矣啦！好矣啦！你買遮濟咱哪食會了啦！

阿媽：若是你愛食攞是趁的，哪會了？

阿淇：阿媽！我毋是這個意思啦！

阿媽：我知啦！我知啦！時間差不多矣，咱緊來去車頭揣阿公。

口白：個兩人來到車頭，倒爿相一下，正爿相一下。

阿媽：奇怪？呔會無看著恁阿公？我明明和伊約佇車頭相等。

阿淇：阿媽！車頭佇遐呢！（手指向另外一爿）

阿媽：諄！慧孫的！你哪會遐條直啦！若約佇車的頭前，會有性命的危險！

人講「車頭」就是「車站」的意思啦！

阿淇：Hānn！原來是我誤會矣喔！

阿公：（先發出有人走來的跂步聲，才用足喘的感覺講話）歹勢！歹勢！

阿媽：你真正是跂手慢鈍，逐遍攞遲到！

阿淇：阿公，你若歹勢，我嘛會『害羞』呢！

阿媽：阿淇！阿公是咧共咱「會失禮」啦！

阿淇：（慧笑慧笑）歹勢！歹勢！我閣誤會矣！

阿媽：頭的啊！時間嘛差不多矣！咱也愛轉來攢好料的矣。

阿公：我知影你趕欲轉去有孝你的糖霜丸。

阿媽：你烏白講！我哪有按呢？

阿公：敢無？

阿淇：阿公、阿媽！恁莫冤家啦！

阿公：阮無咧冤家，我只是咧共恁阿媽談（抑是ge）。

口白：阿公駛車載個轉到厝，阿媽就隨去灶跖無閒矣。過無一點鐘，桌頂就排甲滿滿滿矣。

阿媽：去叫恁孫落來食飯矣！

阿公：乖孫的！緊落來食飯矣喔！恁阿媽已經攢足濟好料的欲予你食矣喔！

阿淇：哇！芳貢貢、貢貢芳！阿媽！『I love you』！

阿媽：啥？你流目油喔？敢是和恁阿公全款「目睷花花，匏仔看做菜瓜」？

阿公：伊是咧講「我愛你」，『I love you』。

阿媽：哎哟喂！我是笑甲流目油！來！加食寡。



阿淇：阿媽！這是豬，毋是「雞」。

阿媽：哈哈！阮阿淇足愛和阿媽滾耍笑！實在真趣味。

阿公：伊喔，食好料的伊上有趣味啦！（兩人大聲笑，阿淇歹勢歹勢綴咧笑）

口白：阿淇食甲喙瀾涵涵滴（阿淇發出食物件的聲），規个面笑微微（阿淇笑）。

阿媽：阿淇啊！無人恰你搶，你沓沓仔食啦！

阿公：食較細喙咧！食無夠才閣叫恁阿媽煮。

口白：人講阿媽飼的就是無仝款，原來這就是「（四个人做伙講）幸福的滋味」。